



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1521. usque ad annum 1525

Fleury, Claude

August. Vind. [u.a.], 1769

VD18 90118472

§. 54. Aluid Tigurini senatus edictum.

[urn:nbn:de:hbz:466:1-66495](#)

ferendum, dixit, hoc ritu tantum ex- Sæcul. XVI;
A.C. 1523.
hiberi signum, & sigillum Christianæ
Fidei, & unice Christi Domini verba
esse adhibenda, nihilque aliud adden-
dum; necnon omnes Missas in lingua
vulgari celebrandas, atque in illis ver-
bum Dei esse annuntiandum, & assisten-
tes sub dupli specie communicandos.
Huic sententiæ Zwinglius annuere vide-
batur, quamvis cantum, & ceremonias
abrogari vehementer cuperet; at-
tamen nondum ad hoc nactus erat tem-
poris opportunitatem. Dein sciscitaban-
tur ab eo, an in pane fermentato, vel
azymo sacrificium fieri oporteret, qui-
bus respondit, quod res hæc cuiuslibet
arbitrio relinqueretur, dummodo nimis
religiose formæ verbis non insisteretur:
denique decidit Zwinglius, vinum aqua
non esse permiscendum, nec requiri, ut
jejuni Synaxin reciperent.

§. LIV.

Aliud Tigurini Senatus edictum.

Tandem finito colloquio tres præfati
Judices hanc in sententiam abierunt:
 „ Cum Missæ atque imaginum abusus
 „ sat manifeste fuerint demonstrati, nos
 „ vero hac super re decisivam senten-
 „ tiam pronunciare nolimus, ideo to-

T 5

„ tum

SæcVL XVI, tum negotium ad Senatum remitti.
A.C. 1523., mus, ut de modo, quo absque po-
 puli offensione imagines & Missa ab-
 oleri valeant, deliberet, ac desuper
 ultimum judicium proferat. Ergo
 Senatus promulgavit edictum, quo cun-
 ctis Sacerdotibus & Religiosis prohibi-
 tum, ne solemnes imposterum supplica-
 tiones instituant, nec sacram in illis Eu-
 charistiam circumferant, neque illam in
 eorum Ecclesiis publicæ adorationi ex-
 ponant. Præterea Sanctorum Reliquias,
 & organa aufferebant, & campanas pul-
 sari necnon ramos palmarum, sal, aquam,
 vel cereos solemni benedictione sacro-
 ritui dedicare, aut extremam unctionem
 infirmis administrare prohibuerunt.

§. LV.

*Zwinglii opera ad hæresis suæ defen-
 sionem conscripta.*

Fervente harum novitatum tumultu
 Zwinglius plura edidit opuscula,
 quibus doctrinam suam tueri conabatur,
 atque inter cetera præcipue scripsit pro-
 lixam explicationem sexaginta septem
 suarum propositionum, quas Tigurino
 Conventui porrexit. Postea in lucem
 edidit sermonem ad omnes Helvetiorum
 Tribus directam, qua eas hortabatur,
 ne ex Sacerdotum connubiis offendan-
 tur,